

戒勿禱祠鬼神 戒勿自是 戒勿樂兵

右下九戒

此二十七戒二篇共合為道誦尊卑同行  
上備者神仙持十八戒備者善持九戒備  
者增年不橫天矣

太上經戒

三洞法服科戒文

力五

三洞弟子京太清觀道士張萬福編錄

天師請問法服品

太上按道陵三天法師正一人已乃命雲  
宮玉女出九光寶耀蓮冠五色丹羅錦被雲  
殺絳文仙褐翔鳳飛錦羽裙七色寶雲錦襪  
瑤華縹珠文履碧瑤之笏七寶之函流精華  
佩琅英繡璫龍錦坐褥瓊鳳香鑪交龍玉几  
班麟翠拂明光如意十有五種以錫天師天  
師冠帶法服五體投地禮拜太上因啓問曰  
未審三清上境及諸凡界聖真仙服為有差  
降為復等乎愚所未觀願垂分別以示將來  
太上曰衣服者身之章也隨其稟受品次不  
同各有科儀凡有九等汝可諦聽當為子說  
一者大羅法王元始天尊冠須史萬變九色  
寶冠衣千種離合自然雲被著十轉九變青  
錦華裙七明四照參差寶榻五種變化十寶  
珠履左右侍真皆悉同然二者玉清法王無  
形天尊冠須史千變七色寶冠衣百變離合  
飛雲之被九轉七變翠錦飛裙七明四照流

霞錦襪七寶變化丹雲繡履左右侍真亦復  
同矣三者上清法王無名天尊冠須史百變  
五色寶冠衣十種離合流霄之被八轉五變  
黃錦霞裙七明四照飛光錦襪五采變化自  
然瓊履左右侍真亦復同也四者太清法王  
太一天尊冠須史十變遠精寶冠衣九種離  
合五雲華被七轉四變紫錦羽裙七明四照  
玄光丹襪自然變見師子文履左右侍真亦  
復同焉五者四梵天中化主無相天尊冠流  
精耀日花冠衣玄鳳瑤華之被翠錦丹羽飛  
裙五明景雲寶襪飛龍轉變之履左右侍真  
亦復同耳又紫被青裙蒼被丹裙綠被絳裙  
丹被黃裙黃被素裙絳龍錦裙悉侍真之服  
自四梵以上皆飛雲流霄自然妙氣結成衣  
服九色寶光而生萬物長短大小隨境應形  
或明光八照圓象洞煥景耀遠近變化自然  
或九色合成萬種分輝或龍鳳結彩山水流  
形千變萬化不可得名乃至都治城郭宮闕  
殿堂樓閣臺榭草木禽獸車馬器物幡幢帳  
座種種法具皆是自然應緣而見本無質礙

隱顯靡常六者無色天中仙真聖服及諸天帝冠飛雲寶冠衣九色無縫之帔翠龍華帔五色錦襜祥鸞瓊履皆自然而生應念來至乃至宮殿臺閣車輿器物玩弄服飾苑園花果音樂法具一切所須悉皆如是七者色界

天中仙真聖品及諸天帝冠蓮華晨冠衣飛雲錦帔絳霄飛帔流景錦襜瓊鳳文履雖有形礙而非世間所造同於自然乃至居住車騎法具隨心所欲應念而生變化自在不比於常八者欲界天中仙真聖品冠珠玉之冠衣五雲之帔飛華翠帔流光羽襪九光文履皆以當界所植或於諸天中得或下方神仙奉獻結造所成不同下界有所勞苦乃至居處房殿車輿法物亦復如是九者山上靈宮及五嶽名山洞宮諸神仙靈官真官守土職司冠七寶之冠衣九光霞帔飛青華帔雲錦繡襪鸞鳳文履悉以諸天錦綺及下方珍物或變練而成非如世間之所製造或乘鸞駕鶴控馭龍虎白鹿獅子靈禽神獸飛雲丹霄綠輿瓊輪持幢鼓節執符把籙出入人間應

心所欲隨感而至或上界真仙下世教化因時所服不異人間或下界真仙上朝諸天其所服取參同上境而變化自然實非汝凡情之所測度天師又問曰夫衣服者本為有形今上聖既無形質衣服何所設耶

太上曰上聖無形實不資衣服但應迹人間而有衣服若歸真反本湛寂自然形影尚空何論衣服今雖示迹略有九階要而言之大歸二種一者無衣之衣謂四梵以上妙體自然變化無常本無形質或隱或顯應見化身接引下凡暫假衣服隨機設教逐境分儀神用自然變化不測此不衣而衣示同凡也二者有水之衣謂三界以下乃至棄賢形質尚羸未能合道遊行出處要藉威儀衣服階修致有差別又有七種須案奉行劫運雖傾此法無變一者初入道門平冠黃帔二者正一芙蓉玄冠黃帔絳褐三者道德黃褐玄巾四者洞神玄冠青褐五者洞玄黃褐玄冠皆黃裙對之冠象蓮花或四面兩葉褐用三丈六尺身長三尺六寸女子二丈四尺身長二尺

四寸袖領帶袖就令取足作三十二條帔用二丈四尺二十四條男女同法六者洞真褐帔用紫紗三十六尺長短如洞玄法以青為裏袖領帶皆就取足表二十五條裏一十四條合三十九條飛青華帔蓮花寶冠或四面三葉謂之元始冠女子褐用紫紗二丈四尺長二尺四寸身二十三條兩袖十六條合三十九條作青紗之帔戴飛雲鳳悉之冠七者三洞講法師如上清衣服上加九色若五色雲霞山水袖帔元始寶冠皆環佩執板師

子文復謂之法服悉有天男天女玉童玉女侍奉護持不得叨謬諸天敬仰群魔束形子其勉之天師曰未審下世道士紹聖教者法服云何太上曰若當來男女修行我法捨俗出家當須持奉三洞符籙經戒依此制服隨其經戒高下勿得叨謬混雜仙真常須清淨燒香左右無使穢汚濁辱仙靈冠者觀也內觀於身結大福緣天地百神威奉於已當自寶貴以道護持制斷六情抑止貪欲虛心靜慮滌盪

塵勞念念至誠尅登道果外觀於物悉非我有妄生貪著惑亂我心當須觀妙常使無欲以其觀察德美於身上法三光照明內外如彼蓮花處世無染又花為果始用冠一形舉之于首圓通無礙披者披也內則披露肝心無諸滓穢外則披揚道德開悟眾生使內外開通彼我皆濟隨時教化救度眾生一切歸依此最為上褐者邊也割也內邊情欲使不外彰割斷諸根水絕萌蘗外邊貪取使不內入割斷諸物永無煩惱內外過絕物我兼忘行道誦經不可闕也裙者群也內斷群迷外祛群累攝化萬物令入一乘永出樊籠昔令解脫冠以法天有三光之象裙以法地有五嶽之形帔法陰陽有生成之德總謂法服名曰出家內服已身六根三業訓練形神外服眾生三塗五道救拔人天遍及聖凡知有所法景行可尊又法天尊聖真仙服住持經戒教化人間必使師資相習真道流通易此俗衣著彼仙服道能服物德可法人以是因緣名法服也

太上曰吾昔服日光帔讀洞真寶經服月光帔讀洞玄真經服星光帔讀洞神仙經服九色離羅帔講三洞大乘經服五色雲帔教化人間服自然之帔遊行諸天服萬變雲帔上朝大羅服光明寶帔下救三塗常使玉女童二百四十人典侍法服清淨燒香若道士常須備其法服整飾形容沐浴冠帶朝奉天真教化一切勿得暫捨法服不住威儀無使非人犯法服也天師稽首禮拜奉行

天師受法服已即說科戒四十六條傳教將來

第一不冠法服不得登壇入靜禮願啓請悔過求恩第二不冠法服不得逼近經戒講說念誦看讀敷揚第三不冠法服不得持素齋戒受人禮拜飲食供養第四不冠法服不得禮拜師尊長德及受弟子禮拜第五不冠法服不得出入所居人間遊行見諸凡人第六不冠法服不得視禁符勅章奏表啓第七不冠法服不得覲見國主父母及諸世民第八寢息休暇當脫法服

第九沐浴浣濯當脫法服第十大小便曲當脫法服第十一泥雨濁穢當脫法服第十二供養給使師尊父母勿脫法服第十三檢校修造一切功德勿脫法服第十四檢校營造齋供花果勿脫法服第十五檢校種植勿脫法服第十六非枷獄痛苦勿脫法服第十七手足不淨勿犯法服第十八器物不淨勿犯法服第十九牀席不淨勿犯法服第二十車與不淨勿犯法服第二十一裸露身形勿犯法服第二十二鳥獸蟲魚勿犯法服第二十三口氣臭穢勿犯法服第二十四非同學弟子勿犯法服第二十五始欲出家先備法服第二十六欲受經戒須備法服第二十七詣師請經道成錄須上法服第二十八詣師請福解免厄苦須上法服第二十九法服不得用五絲作第三十法服不得以非義物作第三十一法服不得用錦繡綺作第三十二法服不得非法作第三十三法服不得假借他人第三十四法服不得隨宜拋擲

第三十五法服不得安卧牀上第三十六法服不得坐卧其上第三十七法服不得以脚踏洗及拖拍第三十八法服破壞當須火淨第三十九法服不得過三具餘便施人第四十法服破壞及餘物不得充非用并凡人著第四十一法服作成燒香啓告禮拜三寶先獻三寶及諸仙真聖然後取著第四十二法服近經像者不得著人間及不淨處第四十三法服須勤洗濯燒香清淨箱篋藏舉勿使污穢常置淨室第四十四不得著法服遊五種家第四十五不得擅脫法服潛遊人間第四十六坐起卧息常依科戒

天師曰道士護持法服當如雨眼又如手足何以故人若無眼不能覩見天地萬物好惡是非若無手足不能運轉身形遠近行坐名不具足是盲衆生道士不持法服失十種恭敬得十種輕賤一者諸天生不恭敬二者諸魔生不恭敬三者鬼神生不恭敬四者帝王生不恭敬五者父母生不

恭敬六者兄弟生不恭敬七者姊妹生不恭敬八者眷屬生不恭敬九者貴人生不恭敬十者賤人生不恭敬一者得諸天輕賤二者得諸魔輕賤三者得鬼神輕賤四者得帝王輕賤五者得父母輕賤六者得兄弟輕賤七者得姊妹輕賤八者得眷屬輕賤九者得貴人輕賤十者得賤人輕賤見世所在之處失其勝福過去受猪狗之身若護持者見世所在之處得其果報過去生諸天中者凡諸男女寧脫已之服不得脫出家法服寧犯毒蛇不得犯出家法服寧生大火坑不得與出家同坐若道士自外法服邀世榮華是其福盡雖暫光耀不久惡至過去入寒水地獄後受裸露之身何以故此人自取沉淪也

天師曰應服不服非服而服皆四司考覈奪算一千二百

天師曰道士衣服卧具坐褥皆不得用青綠紺絳紅碧玄素錦綺繡畫珠玉間錯違者四司考覈奪算八百

三洞法服科戒文

方五 九